



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- /13
Datum: 2013. godine

PRIJEDLOG

Na osnovu člana 14. tačka 18. Statuta Općine Tešanj („Službeni glasnik Općine Tešanj“ broj: 11/07), a u skladu sa članom 26. Zakona o popisu stanovništva, domaćinstava i stanova u Bosni i Hercegovini 2013. godine („Službeni glasnik BiH“, broj 10/12 i 18/13), Općinsko vijeće Tešanj na svojoj ___ sjednici održanoj dana _____ 2013. godine, d o n o s i

O D L U K U

**o formiranju Popisne komisije općine Tešanj za popis stanovništva,
domaćinstava i stanova u BiH 2013. godine**

I

Ovom Odlukom formira se Popisna komisija općine Tešanj za Popis stanovništva, domaćinstava i stanova u Bosni i Hercegovini 2013. godine.

U sastav komisije imenuju se:

1. Hamzalija Hojkurić, predsjednik
2. Fatima Smailbegović, zaposlenik službe za geodetske, imovinsko-pravne poslove i katastar - član
3. Jozo Katinić, član
4. Dejan Ristić, član
5. Merima Hadžimehić, član

II

Popisna komisija općine Tešanj obavlja sljedeće poslove:

- rukovodi pripremama, organizovanjem i provođenjem Popisa na teritoriji općine;
- vrši izbor i imenovanje instruktora i popisivača za područje općine;
- obavještava stanovništvo o značaju Popisa, načinu i vremenu njegovog provođenja, o pravima i dužnostima građana i načinu izvršavanja obaveza u Popisu;
- brine o pravilnoj primjeni metodoloških i organizacionih uputstava;
- preuzima štampani popisni materijal i dijeli ga instruktorima, koji ga dalje distribuišu popisivačima;
- osiguravaju prostorije i uvjete za provođenje obuke općinskih instruktora i popisivača;
- provodi nadzor nad radom instruktora i ostalih učesnika u Popisu;
- izdaje propisana ovlaštenja za rad učesnicima u Popisu;
- preuzima mjere koje garantuju kompletan obuhvat jedinica Popisa;
- preuzima popisni materijal od instruktora, organizuju i kontrolišu obuhvat i kvalitet popisnog materijala;
- osigurava skladištenje popisnog materijala uz ispunjenje propisanih sigurnosnih mjera i uvjeta određenih Zakonom o zaštiti ličnih podataka;
- organizuje prijevoz i pravovremeno dostavljanje popisnog materijala na mjesto unosa;
- priprema obračun troškova nastalih za pripremu i provođenje Popisa u skladu sa instrukcijama.

III

Za svoj rad Popisna komisija odgovara Kantonalnoj popisnoj komisiji i Federalnom zavodu za statistiku.

Popisna komisija po završetku poslova iz člana II ove Odluke podnosi Izvještaj o radu odgovornim institucijama iz prethodnog stava, najkasnije do 31.10.2013. godine.

IV

Sredstva za finansiranje rada Popisne komisije osiguravaju se iz budžeta Općine, odnosno u skladu sa instrukcijama statističkih institucija, a naknade će biti utvrđene Ugovorom.

V

Mandat (period rada) članova Popisne komisije traje do 31.10.2013. godine.

VI

Odluka stupa na snagu danom donošenja i objaviće se u „Službenom glasniku Općine Tešanj“.

Dostavljeno:

1. Federalni zavod za statistiku,
2. Agencija za statistiku BiH,
3. Centralni popisni biro,
4. Općinski načelnik,
5. Arhiva.

PREDSJEDAVAJUĆI VIJEĆA

Fuad Šišić dipl.ing.maš.

O b r a z l o ž e n j e

PRAVNI OSNOV:

Pravni osnov za donošenje ove Odluke sadržan je u članu 26. Zakona o popisu stanovništva, domaćinstava i stanova u Bosni i Hercegovini 2013. godine („Službeni glasnik BiH“, broj 10/12 i 18/13) i članu 14. Statuta Općine Tešanj („Službeni glasnik Općine Tešanj“ broj: 11/07).

RAZLOZI ZA DONOŠENJE ODLUKE:

Članom 26. Zakona o popisu stanovništva, domaćinstava i stanova u Bosni i Hercegovini 2013. godine, određeno je da se Popisne komisije lokalne samouprave formiraju za područje svake općine ili grada i Brčko Distrikta na teritoriji Bosne i Hercegovine.

Popisnu komisiju Općine Tešanj (prema Proceduri za izbor popisnih organa i osoblja, sa Prilozima 1-9) čini predsjednik i četiri člana: 2 Bošnjaka, 1 Hrvat, 1 Srbin i 1 član iz reda ostalih (potpisano izjašnjenje o etničkoj/nacionalnoj pripadnosti na Prijavi), s tim da je zaposlenik službe za geodetske, imovinsko-pravne poslove i katastar obavezni član Komisije.

Shodno odredbama navedenog Zakona, Općinski načelnik je objavio Javni oglas za prijavu kandidata za članove Popisne komisije Općine Tešanj. Prijave su vršene na propisanom obrascu a konkursna komisija je vršila bodovanje (prednost većoj školskoj spremi, prednost uposlenicima organa uprave) i klasifikaciju kandidata na one koji ispunjavaju uvjete tražene javnim oglasom i na one koji ne ispunjavaju uvjete. Listu kandidata koji ispunjavaju uvjete javnog oglasa konkursna komisija je dostavila Općinskom načelniku da na osnovu svih relevantnih podataka i radnog iskustva, predloži sastav Popisne komisije Općine Tešanj koji će najuspješnije provesti poslove Popisa.

Nakon imenovanja Popisne komisije, Centralni popisni biro daje mišljenje o proceduri izbora i sastavu Popisne komisije a kandidati koji budu izabrani će do 18.07.2013. godine potpisati ugovor i izjavu o zaštiti povjerljivih podataka. U slučaju potrebe za zamjenom nekog od članova Popisne komisije (objektivni ili subjektivni razlozi), zamjena se vrši izmjenom ili dopunom ove odluke i dostavljanjem iste Centralnom popisnom birou na mišljenje, a novi član je iste etničke pripadnosti kao član koji se mijenja.

OBRADIVAČ:

Služba za finansije, privredu i inspekcije

Hamzalija Hojkurić dipl.ecc.

PREDLAGAČ:

OPĆINSKI NAČELNIK

Mr. Sc. Suad Huskić, profesor

Broj: 02-32-2-1097-5/13

Datum: 18.06.2013. godine